

曹刿论战

庄公十年

左 传

齐师伐我。公将战。曹刿

贵、○请见。

现、○请见庄公。

其乡人曰、肉食者谋之、又何

间焉。

去声。肉食、谓在位有禄者。间、犹与也。言在位者自能谋之、汝又何与其谋焉。

刿曰、肉食者鄙、未能远谋。

肉食者所见鄙陋、其谋未能远大也。○远谋二字、是

一篇关眼。

遂入见。问何以战。

问何恃以与齐战。○问得峭。

公曰、衣食所安、弗敢专也、必以分

人。

衣食二者、必分之冻馁之人、或者感吾之德、而可以战乎。

对曰、小惠未遍、民弗从也。

分惠未能遍及、民心不肯从上所使、未可恃以为战。

公曰、

牺牲玉帛、弗敢加也、必以信。

牺牲、祭牲也。玉、苍璧黄琮之类。帛、帛也、此皆礼神之物。言祭祀之礼、不敢有加于旧、而祝史告神、必以诚信、或者感格神明、而可以战乎。

对

曰、小信未孚、神弗福也。

一时之小信、未能感孚于神。而神亦弗肯降之以福、未可以恃以为战。

公曰、小大之狱、虽不

能察、必以情。

小狱、争讼也。大狱、杀伤也。情、实也言小大之狱、虽不能明察、然必尽己之心以求其实、或者狱无冤枉、而可以战乎。

对曰、忠之属也、可以

一战。

察狱以情、不使有枉、是能尽己之心、亦忠之一端也。君能尽心于民、则民宜尽心于君、庶可以一战。○可以一战、紧照问何以战。一可字、又与下四可字相应。

战则请从。

去声、○若与齐战、则请从行。○请从、与上

请见相应。

公与之乘。

去声、○乘、兵车也。

战于长勺。

酌、○长勺、地名。

公将鼓之、

公欲鸣鼓以进兵。

刿曰未可。

齐

人三鼓、刳曰可矣。齐师败绩。

大崩曰败绩。

公将驰之、

公欲驰车而逐齐兵。○将鼓将驰、与上将战相应。

刳曰未可。

下视其辙、登轼而望之、

辙、车迹也。轼、车前横木。

曰可矣。遂逐齐师。

两未可、两可矣、突兀相应。

既克。

公问其故。

公问刳不鼓、及下视登望之故。○又与问何以战相应。

对曰、夫战、勇气也。一鼓作气、再而衰、

三而竭。彼竭我盈、故克之。

言所以必待齐人三鼓之故。○未战论忠、将战论气、肉食人见不到此。

夫大国、难测也、惧

有伏焉。吾视其辙乱、望其旗靡、故逐之。

言所以下视登望之故。○克之逐之、作两样写法。笔墨精采。

肉食者鄙、未能远谋、骂尽谋国债事一流人。真千古笑柄。未战考君德、方战养士气、既战察敌情、步步精详、着着奇妙、此乃所谓远谋也。左氏推论始末、复备参差错综之观。